

皇極經世書

卷之三

天地玄黃  
容顏目鼻

虞帝先生皇極經世書東史補編通載卷之三

東陽申翊聖編

皇極經世之六

以運經世之七

以運經世之八

以運經世之九

以運經世之十

皇極經世書

以運經世之七

經元之甲一

經會之午七

經運之巳一百八十六

經世之子二千二百二十一

經世之子二千二百二十一

甲子周威烈王九年魏城小梁

乙丑秦靈公卒季父立是謂簡公

丙寅

丁卯魏伐秦韓伐鄭

戊辰齊伐晉魏伐中山

己巳

庚午齊田莊子卒子太公和繼趙城平城

辛未魯元公卒子顛繼是謂穆公

壬申晉韓武子卒子景侯虞繼趙獻子卒子烈

侯籍繼魏伐秦

癸酉韓伐鄭取雍丘魏滅中山楚簡王卒子當

繼是謂聲王

甲戌鄭伐韓取負黍

乙亥宋昭公卒子悼公購繼趙以田公仲為相

丙子齊宣公卒子康公貸繼田會以廩丘叛

丁丑

戊寅晉韓趙魏求為諸侯于周

己卯周威烈王崩太子驕嗣位是謂安王楚聲

王遇盜卒子熊疑立是謂悼王

庚辰秦攻魏陽孤

辛巳秦簡公卒子惠公繼韓景侯卒子烈侯繼

趙烈侯卒弟武侯立魏文侯以下子夏段

于木為師西門豹為將守鄴吳起為將守

西河田成子為相樂羊為將同韓趙伐楚

至于乘丘

壬午

癸未

甲申韓盜殺相俠累

乙酉

丙戌晉烈公卒子孝公繼

丁亥

戊子魏伐鄭城酸棗又敗秦軍于注楚伐韓取  
負黍

己丑

庚寅齊田和從其君康公于海上食一城秦伐

韓宜陽伐六城韓趙大敗楚師于大梁

辛卯魯伐齊于平陸齊伐魏取襄陵

壬辰秦伐魏陰晉

癸巳齊田和會魏文侯于濁澤求為諸侯魏請

于周及諸侯皆許之

經世之丑二千二百二十二

甲午周安王十五年秦惠公卒子出公繼韓烈

侯卒子文侯繼魏文侯卒子武侯繼趙武

侯卒子敬侯繼



乙未田和稱諸侯于齊列于周紀魏攻趙邯鄲  
丙申韓伐鄭取陽城伐宋執宋公子彭城魏城  
安邑及王垣趙破齊師于靈丘齊太公和  
卒子桓公午繼秦庶長攻殺出子及其母  
迎靈公之子于河上立之是謂獻公

丁酉趙破齊師于廩丘

戊戌魏破趙師于兔臺

己亥齊魏以衛伐趙取副平

庚子趙會楚伐魏取棘蒲楚悼王卒盜殺相吳  
起王子繼是謂肅王誅害吳起者十七家

經世書補遺卷三十一  
四  
辛丑齊伐燕取桑丘

壬寅齊康公死于海上齊桓公卒子曰齊宣是

謂威王

癸卯晉孝公卒子靜公俱酒繼韓趙衛伐齊至

于靈丘

甲辰韓文侯卒子哀侯繼趙攻中山戰于房子

魯穆公卒共公立

乙巳周安王崩太子喜嗣位是謂烈王魏武侯

韓哀侯趙敬侯同滅晉而三分其地以靜

公爲家人食端氏一城

丙午韓滅鄭徙都之趙敬侯卒子成侯繼宋休

公卒子辟公繼

丁未

戊申魯伐齊入陽關 伐齊至博陵

己酉魏拔齊薛陵攻趙北蘭趙拔魏鄉邑七十

三宋辟公卒子剔成繼

庚戌韓嚴弒其君哀侯立其子懿侯魏武侯卒

公子爭國趙伐魏立公子瑩是謂惠王趙

敗秦軍于高安

辛亥趙伐齊取郵魏敗趙師于覃懷齊威王卒

阿大夫封即墨大夫萬家楚肅王卒弟良  
夫繼是謂宣王

壬子周烈王崩弟扁嗣位是謂顯王齊西敗趙  
魏之師于濁澤趙輸長城魏入觀津魏敗  
韓師于馬陵

癸丑趙韓攻周

甲寅趙韓分周為二

乙卯魏會韓攻秦不利于宅陽

丙辰晉攻秦不利于石門魏伐宋取儀臺

丁巳周顯王西賀秦獻公魏與秦會于杜平

戊午

己未秦獻公卒子孝公繼敗魏師于少梁魏敗

韓師于澮

庚申魏拔趙皮牢

辛酉周致文武胙于秦孝公東周君惠公卒子

傑繼韓趙魏伐齊

壬戌秦用衛鞅韓懿侯卒子昭侯繼

癸亥

經世之寅二千二百二十三

甲子周顯王十二年宋取韓黃池齊封鄒忌爲

成侯

乙丑趙會燕于河上會齊于平陸魯魏宋韓朝

魏

丙寅魯共公卒子康公繼齊會趙于郊會魏于

平陸會秦于杜平

丁卯秦攻魏師于元里取少梁魏圍趙邯鄲

戊辰韓攻周東君取陵觀及邢丘齊田忌孫臏

救趙敗魏師于桂陵是年齊始稱王

己巳秦大良造衛鞅會韓趙之師圍魏襄陵

庚午韓用申不害為相秦趙伐魏魏歸趙邯鄲

盟于漳水之上

辛未趙成侯卒世子繼是謂肅侯秦開阡陌大  
築冀室于咸陽自雍徙都之

壬申

癸酉趙奪晉君端氏徙之屯留秦初爲賦

甲戌

乙亥魯康公卒子景公繼

丙子

丁丑

戊寅周顯王錫秦孝公命爲伯齊威王卒子宣

王辟疆繼

己卯諸侯西賀秦

庚辰齊救韓趙田忌田嬰孫臏大敗魏師于馬陵獲將龐涓及世子申

辛巳楚宣王卒子威王繼秦奪魏河西七百里魏去安邑徙都大梁

壬午

癸未秦孝公卒子惠文君繼是謂惠王商鞅奔魏不受復入于秦

甲申秦惠文君夷商鞅族蘇秦入秦不受



乙酉周顯王西賀秦孟軻為魏卿

丙戌秦拔韓宜陽魏惠王卒子襄王繼齊宣王

會魏襄王于鄆

丁亥蘇秦會趙燕韓魏齊楚六國之師盟于澶

水之上以攻秦至于函谷韓作高門是年

楚滅越獲其王無彊盡取其地東開地至

浙江魏始稱王田嬰為相

戊子燕文公卒子易王立韓昭侯卒子宣惠王

立楚敗齊師于徐州齊田嬰詐楚故不利

○朝鮮欲興兵問燕噲僭稱之罪以尋

周室大夫禮諫而止

己丑齊會魏伐趙又伐燕取十城

庚寅秦伐魏

辛卯宋亂公弟偃弑其君代立是謂元王

壬辰楚威王卒子懷王槐繼魏伐楚取陘山秦

伐魏取汾陰

癸巳秦用張儀為相陳軫適楚楚滅蜀魏輸秦

上郡

經世之卯二千二百二十四

甲午周顯王四十二年齊會魏攻韓之素丘

乙未趙肅侯卒子定繼是謂武靈王齊用孟軻

爲上卿

丙申孟軻去齊

丁酉秦始稱王齊宣王卒子湣王地繼秦尊上

却塞

戊戌韓燕稱王楚破魏襄陵入城移兵攻齊秦

張儀會齊楚執政于齧桑

己亥秦張儀出相魏燕會韓魏二君子區鼠

庚子周顯王崩子定嗣位是謂慎靚王是年趙

始稱王齊封田嬰于薛盜殺蘇秦于齊蘇

代復相燕燕易王卒子噲繼子之專國蘇  
代使齊

辛丑宋伐楚取地二百里始稱王秦齊交婚

壬寅魏襄王卒子哀王繼張儀復相秦

癸卯楚會齊韓趙魏燕攻秦不利齊獨後秦擣

里疾大敗六國之師獲將申差及韓魏二

公子

甲辰齊敗魏師于觀津與秦爭雌雄魯景公卒

子平公繼秦敗韓師于濁澤韓請割名都

秦又伐韓敗韓師于岸門楚救不至燕王

噲以國屬子之

乙巳齊伐燕秦伐趙拔中都及西陽

丙午周慎靚王崩子延繼是謂赧王稱西周君

秦拔義渠二十五城又取韓之石章

丁未楚齊和親燕亂將市皮攻子之不克反攻

世子又不克死

戊申楚攻秦不利秦伐齊楚救不至秦張儀給

楚樗里疾攻趙

己酉楚懷王大伐秦不利又伐又不利秦庶長

魏章會齊韓之師大敗楚師于藍田又敗

之於丹木之陽獲其將屈丐遂取漢中地  
置漢中郡韓宣惠王卒世子倉繼是謂襄  
王齊以五都兵攻燕燕亂國人立太子平  
是謂昭王

庚戌楚屈原使齊秦張儀使楚會楚齊韓趙魏  
燕六國西事秦至咸陽而秦惠王卒世子  
武王繼燕起金臺以禮郭愧樂毅自魏至  
鄒衍自齊至劇辛自趙至

辛亥秦會魏于臨晉張儀魏章適魏擣里疾甘  
茂爲相

壬子楚合齊以善韓

癸丑秦武王會魏哀王子應會韓襄王于臨晉

甲寅東西二周君相攻楚圍韓之雍氏秦甘茂

拔韓之宜陽武王舉周鼎絕臙而死國人

迎毋弟稷于趙而立之是謂昭襄王太后

臨朝稱制魏冉專政趙武靈王改用胡服

乙卯秦復韓武遂嚴君疾向壽爲相甘茂適魏

丙辰楚絕齊以善秦

丁巳秦昭襄王會楚懷王于黃棘復之上庸

戊午齊韓魏攻楚求救于秦魯平公卒子文公

紀世言補叙卷之三  
買繼秦取韓武遂拔魏蒲坂

己未秦復魏蒲坂會韓于武遂

庚申楚伐秦不利秦昭襄王會齊韓魏伐楚敗

之于重丘

辛酉齊孟嘗君入秦為質

壬戌楚懷王放大夫屈原于江濱與秦昭襄王

會于武關不復國人迎太子橫于齊而立

之是謂頃襄王其弟子蘭為令尹齊故秦

涇陽君子孟嘗君自秦逃歸秦會齊魏伐楚

取八城趙拔燕中山攘地北至代西至九



原

癸亥齊會韓魏伐秦至于函谷秦伐楚取十六  
城趙武靈王稱主父會群臣于東宮廢太  
子章而授庶子何位是謂惠文王以肥義  
為之相北略地南入秦稱使者

經世之辰二千二百二十五

甲子周赧王十八年楚懷王于秦逃故不克

乙丑楚懷王死于秦楚遂絕秦魏哀王卒子昭  
王繼齊會韓魏趙宋五國之兵攻秦至鹽  
氏而還秦與韓魏河上及封陵以和韓襄

王卒子釐王繼趙主父滅中山徙其王子  
膚施封廢太子章于代號安陽君使田不  
禮爲之相

丙寅秦免樓緩相穰侯魏冉復相率師攻魏趙  
安陽君及田不禮作亂公子成及大夫李  
兌平之主父死于沙丘宮

丁卯秦向壽伐韓拔武始

戊辰楚與秦復和韓伐秦不利秦左庶長白起  
大敗韓及諸侯之師于伊闕取城五坑軍  
二十四萬獲將公孫喜

己巳楚送嬪于秦秦魏冉免相大良造白起伐

魏取垣攻楚拔宛

庚午秦魏冉復相對陶邑司馬錯伐韓軹及鄧  
辛未齊有田甲之難免孟嘗君相魏獻河東地  
方四百里入秦韓獻武遂二百里入秦趙

會齊代韓

壬申齊復孟嘗君相秦伐韓拔六十一城

癸酉齊秦約補東西帝復罷

甲戌齊孟嘗君謝病秦昭襄王巡漢中及上軍

河上拔魏新垣及曲陽

乙亥齊滅宋至于泗上十二諸侯鄰魯之君皆  
稱臣南取楚之淮北侵韓趙魏獻秦安  
邑秦伐魏之河內攻韓之夏山

丙子齊孟嘗君以薛屬魏秦昭襄王會楚頃襄

王于宛會趙惠文王于中陽伐齊拔九城

丁丑燕樂毅會秦楚韓趙魏五國之師伐齊大

敗齊師于濟西遂入臨菑拔城七十拜樂

毅上卿封昌國君留圍齊即墨及莒齊湣

王保莒楚使淖齒救齊殺齊湣王于莒莒

人立其子法章是謂襄王荀卿行祭酒

戊寅楚頃襄王會秦昭襄王于鄢秦穰侯伐魏

至于國

己卯秦昭襄王會韓釐王于新城會魏昭王于

新明伐趙拔二城伐韓取六邑

庚辰楚會魏趙伐秦秦伐楚魏舟復相趙使蘭

相如入秦獻璧

辛巳楚割上庸及漢中請和于秦秦白起拔趙

二城司馬錯拔楚上庸燕昭王卒于惠王

繼以騎劫代樂毅將樂毅奔趙趙惠文王

與秦昭襄王會于渾池蘭相如相

壬午齊田單大敗燕軍于即墨獲將騎劫復城

七十迎襄王自莒入臨淄封田單安平君

秦白起拔楚西陵

癸未楚頃襄王出奔陳郢陷于秦大良造白起

破楚入郢燒夷陵以郢為南郡封起武安

君

甲申秦拔楚巫及黔中作黔中郡魏昭王卒子

安釐王繼

乙酉楚東收江旁十五邑以扞秦秦拔魏二城

封無忌為信陵君

丙戌秦兵圍大梁魏入溫請和秦以穰侯爲相  
國韓暴驚救魏不利趙廉頗拔魏房子安  
陽郡

丁亥魏芒卯攻韓不利秦師救韓敗趙魏之師  
十五萬于華陽魏入南陽請和以其地爲  
南陽郡

戊子韓釐王卒子桓惠王繼趙取東胡地

己丑楚黃歇奉太子完入秦爲質求平又助韓  
魏伐燕齊田單拔燕中陽秦會楚韓趙魏  
伐燕燕惠王卒子武成王繼趙藺相如伐

齊

唐宣秦穰侯伐齊取劉壽以廣陶邑范睢自魏

入秦

辛卯秦師伐韓以逼周

壬辰秦中更胡傷攻趙閼與趙奢擊之有功封

馬服君與庶頗同位秦人為小懼

癸巳秦拔魏懷城

經世之已二千二百二十六

甲午周赧王四十八年秦太子卒于魏

乙未秦拔魏鄆全穰侯相國及宣太后權以



客卿范雎爲相封應侯魏冉就國趙文惠  
王卒子丹繼是謂孝成王太后專政

丙申齊襄王卒子建繼曰單救趙秦以安國君  
爲太子宣太后卒拔趙三城進圍邯鄲趙  
出長安君爲質子齊求救趙勝爲相封平

原君

丁酉齊用田單爲相秦白起攻韓拔九城

戊戌楚頃襄王卒太子完自秦亡歸繼是謂考  
烈王以左徒黃歇爲令尹號春申君封于  
吳食淮地秦白起拔韓南郡

已亥楚獻地于秦乞和秦五大夫賁伐韓拔十  
城以斷大行路韓馮亭以上黨入于趙趙  
受韓上黨廉頗軍長平

庚子楚伐魯取徐州秦白起攻趙長平

辛丑秦武安君大敗趙軍于長平進圍邯鄲趙  
以趙括代廉頗將長平遂陷兵四十萬為  
秦所坑

壬寅秦分軍為三罷武安君白起將以王齕伐  
攻趙拔趙武安及皮牢司馬梗柱定上黨  
趙使蘇代使秦

癸卯秦加范雎相國王齟圍邯鄲張唐攻魏燕  
武成王卒子孝王繼趙平原君求救于楚

魏

甲辰楚春申君魏信陵君救趙秦起武安君白  
起不克殺之于柱郵

乙巳周赧王會齊韓趙魏兵出伊闕攻秦不利  
西奔秦秦昭王滅周盡入其地三十六城  
徙其王于憲狐楚滅魯以齊荀卿爲蘭陵

令

丙午秦徙周民及九鼎于咸陽蔡澤自燕入秦

代范睢相燕孝王卒子喜繼

丁未楚齊韓燕趙皆服命于秦魏獨後秦使將  
軍膠伐之取吳城

戊申秦郊上帝于雍立趙徙都鉅鹿

己酉趙平原君卒

庚戌秦昭襄王卒太子安國繼是謂孝文王立

三日又卒子楚是謂莊襄王以華陽夫  
人爲后子政爲太子呂不韋爲丞相封文  
信侯食河南十萬戶楚春申君入弔于秦  
燕將栗腹攻趙不利趙廉頗破燕軍于鄣

封顏信平侯

辛亥東周君會諸侯攻秦不利後于秦秦丞相  
呂不韋平東周盡入其地置三川郡徙其  
君子陽人趙庶顏伐燕圍其國

壬子秦蒙騫拔趙太原拔韓滎陽及成臯

癸丑秦蒙騫拔魏高都又舉趙二十七城楚齊  
魏韓燕趙攻秦不利

甲寅秦莊襄王卒太子政繼是謂始皇帝以呂  
不韋為相國號仲父同太后專政李斯為  
舍人齊田單屠聊城魏無忌自趙歸國率

楚齊韓趙燕五國之師攻秦軍于河外走  
蒙騫追至函谷

乙卯秦蒙騫平晉陽

丙辰趙孝成王卒子偃繼是謂悼襄王以樂乘

代庶頗將頗奔魏

丁巳秦蒙騫攻魏拔二城攻韓拔十二城

戊午魏安釐王卒子景湣王繼信陵君亦卒趙

將李牧拔燕二城

己未秦拔魏二十城置東郡趙伐燕獲將劇辛

庚申楚考烈王會齊韓趙魏燕五國之兵伐秦

至于函谷不利東徙都壽春春申君就國

于吳

辛酉秦拔魏之汲趙拔魏之鄴

壬戌秦封嫪毐長信侯關政子內韓桓惠王卒

子安繼

癸亥長信侯嫪毐在難攻斬年宮不克伏誅徙

太后于雍流蜀者四千家楚考烈王卒子

幽王悼繼

經世之午二千二百二十七

甲子秦始皇帝十年呂不韋坐嫪毐事免相李

斯為相齊趙來置酒復華陽太后于甘泉

宮

乙丑秦王翦桓齮拔趙九城趙悼襄王卒子遷

繼秦兵攻鄴

丙寅秦會魏伐楚及韓文信侯呂不韋自殺

丁卯秦桓齮大敗趙軍十萬于平陽韓公子非

使秦不還

戊辰秦桓齮破趙宜安及赤麗韓王安朝秦

己巳秦伐趙一軍攻鄴一軍攻狼孟燕太子丹

自秦逃歸趙李牧扞秦有功



庚午魏獻秦麗邑

辛未秦內史勝滅韓獲其王以其地為潁川郡  
壬申秦王翦下井陘大敗趙軍進圍鉅鹿趙以

趙葱代李牧顏聚代司馬尚將

癸酉秦王翦滅趙獲其王以其地為趙軍楚幽

王卒毋弟猶立庶兄負芻殺猶代立魏景

湣王卒子假繼趙亡太子嘉稱王于代會

燕軍于上谷

甲戌秦王翦破燕軍于易水燕荆軻使秦不還

乙亥秦王翦王賁滅燕獲其太子丹翦謝病還

拔楚十城

丙子秦王賁滅魏次河灌大梁獲其三

丁丑秦王翦破楚殺其將項燕楚喪師于蕲走

壽春

戊寅秦王翦蒙武滅楚獲其三以其地為楚郡

己卯秦王賁平遼東獲燕三卒代獲趙太子王

翦定越以其地為會稽郡

庚辰秦王翦滅齊獲其三以其地為齊郡東至

海及朝鮮西至臨洮羌中南至吐嚮戶吐

至陰山遼東分天下定為三十六郡罷侯

置守鑄天下兵爲十二金人徙天下豪富  
十二萬戶于咸陽大建宮室作阿房爲萬  
世業稱始皇帝更以建亥月爲歲首

○朝鮮侯否畏秦遂服屬于秦箕子四  
十代孫也否卒子準繼

辛巳西巡狩至于隴右地及回中乃復

壬午東巡狩至于鄒嶧封泰山禪梁父南登琅

邪丞相隗林王綰卿士李斯王戊五大夫

趙嬰將軍楊標及九侯勒帝功于金石表

于海上遂南至于衡山浮江自南郡由武

關乃復

癸未東巡符至于博浪沙中遇盜遂登景臺刻  
石紀功社由上黨乃復

甲申

乙酉

丙戌社巡符至于碣石由上郡乃復使蒙恬擊

胡取河南地

丁亥南取陸梁地爲桂林象郡又社斥匈奴自

榆中並河以東屬之陰山爲二十四縣城

河上爲塞又使蒙恬渡河取高闕陶山社

假中以等亭障

戊子置酒咸陽宮聚天下書焚之

己丑聚天下學士于驪山坑之廣阿房宮自咸陽達于渭濱

庚寅

辛卯南巡狩至于雲夢左丞相馮去疾留守右

丞相李斯從行少子胡亥請行至九疑浮

江東至于會稽又北巡狩至于琅邪由平

原達沙丘崩左丞相李斯宦氏趙高假帝

書更立少子胡亥賜上郡太子將軍蒙恬

死遂還咸陽胡亥立是謂二世皇帝葬始皇帝于驪山

壬辰宦氏趙高為中郎令專政東巡狩至于會

稽址又至于遼東乃復大殺王族及群臣

復廣阿房徵天下材士以五萬人為屯尉

咸陽三百里內不得食其穀戍卒陳勝稱

王子楚關東郡邑皆殺其令長以應陳勝

而西攻秦陳勝將武臣稱王子趙魏咎稱

王子魏狄人田儼稱王子齊楚人項梁稱

王會稽徐人劉季稱兵豐沛陳勝兵西攻

秦至于戲

癸巳秦殺右丞相馮去疾將軍馮劫及囚左丞相李斯諫罷阿房故也將軍章邯滅陳勝于城父破項梁于定陶平田儋于臨濟渡河北攻趙田儼死其弟榮立儼子市爲王陳勝將嘉立勝子景駒爲王項梁殺景駒求楚懷王孫心立之保盱眙項梁死其從子羽軍彭城其將劉季軍碭山楚王心收項梁軍自盱眙徙彭城以劉季爲碭郡長封武安侯俾南略地而西攻秦以項羽爲

魯國公封長安侯俾赴救趙而西攻秦約  
先入關者王

經世之末二千二百二十八

甲午秦二世三年中郎令趙高稱丞相殺李斯  
及弑其君胡亥于望夷宮代立不克立二  
世兄之子嬰為王嬰立夷趙高三族沛公  
兵十萬由武關入至咸陽秦子嬰降于軹  
道收籍圖封宮室府庫示秦人以約法三  
章還軍灞上以待東諸侯項羽赴救趙殺  
大將軍宋義至巨鹿大敗章邯軍于泗水



秦軍降者二十萬西坑之于新安合齊趙  
魏韓燕五國之兵四十萬由函谷而入會  
沛公子戲而屠咸陽殺子嬰收子女玉帛  
焚宮室府庫

乙未項羽淪約自主封建立楚王心為義帝徙  
之江南都彬封沛公季為漢王遷之漢中  
都南鄭分秦關中為三一封降將章邯為  
雍王都廢丘一封降將司馬欣為塞王都  
櫟陽一封降將董翳為翟王都高奴分齊  
為三一封齊將田都為臨菑王都臨菑一

封齊將田安為濟北王都博陽一封齊王

田市為膠東王徙即墨分楚為三一封楚

將英布為九江王都六一封楚將共敖為

臨江王都江陵一封番君吳芮為衡山王

徙邾分趙為二一封楚將張耳為常山王

都襄國一封趙王歇為代王徙鴈門分韓

為二一封楚將申陽為河南王都洛陽一

封韓將韓成為韓王都陽翟分魏為二一

封趙將司馬卬為殷王都朝歌一封魏王

豹為魏王徙平陽分燕為二一封燕將臧

荼爲燕王都薊一封燕王韓廣爲遼東王  
徙無終封吳芮將梅銷十萬戶侯趙歇將  
陳餘環三縣田市將田榮不及封羽自稱  
西楚霸王王梁地九郡都彭城諸王之在  
戲下者咸遣罷兵就國羽亦東出使人殺  
義帝于江上殺韓王成以鄭昌代之滅荼  
殺韓王廣于燕并有其地田榮殺田都田  
安田市于齊并有其地稱齊王彭越受榮  
符以覆梁地陳餘受榮兵以攻常山趙王  
歇自代遷都鉅鹿張耳走漢項羽土破田

經世書  
卷之三  
三十五  
榮于齊榮死弟橫立榮子廣復保城陽

丙申漢王自南鄭東收三秦二韓五諸侯兵合  
二河士五十六萬東伐楚入彭城取重寶  
美女爲置酒高會項羽至自伐齊大破漢  
軍于睢水殺十餘萬并獲漢王父母妻子  
漢王退保滎陽等甬道以通敖倉粟使將  
韓信張耳攻魏趙丞相蕭何兵至自關中  
自此日戰于京索間

丁酉楚圍漢于滎陽拔之紀信周苛從公死之  
漢退師保成皋九江王英布降于漢彭城

越破楚軍于下邳韓信張耳平趙魏還軍  
修武漢王自成臯北渡河至修武使張耳  
收兵趙地韓信伐齊盧綰劉賈南渡白馬  
津會彭越攻楚楚又拔漢成臯

戊戌漢復取成臯與楚對兵廣武韓信平齊乞  
封假王項羽請和約分天下于鴻溝歸漢  
父母妻子還軍至陽夏漢軍復至楚復破  
漢軍漢又大會韓信彭越英布及諸侯兵  
于垓下

己亥漢滅楚項羽死于東城漢王以魯國公禮

葬羽于穀城楚之諸侯而王者並降封侯

封齊王韓信爲楚王治下邳建成侯彭越

爲梁王治定都九江王英布爲淮南王治

廣陵韓王信爲韓王治陽翟衡山王吳芮

爲長沙王治臨湘肇帝位于汜水之陽西

都長安大建宮室燕王臧荼不恭命攻下

代郡徃平之獲臧荼以太尉盧綰爲燕王

齊王田廣卒叔橫立之于海

庚子帝遊雲臺會諸侯于陳執楚王韓信歸降

爲淮陰侯分其地爲二一封劉賈爲荆王

治淮東一封弟交爲楚三治淮西別封子  
肥爲齊王徙韓王信爲太原王凶奴寇馬  
邑韓王信以衆叛帝尊父太公爲太上皇  
辛丑帝北征韓王信于銅鞮信走凶奴遂征凶  
奴至于平城凶奴圍帝于平城七日樊噲  
此定代以兄仲爲代王

壬寅建未央宮代王劉仲自鴈門延歸廢爲合  
陽侯以陳豨爲代王

癸卯大朝諸侯于未央宮趙相貫高事覺

甲辰太上皇及太上后崩陳豨以鴈門叛帝址

征誅淮陰侯韓信并亮三族蕭何為相國

乙巳梁王彭越以定陶叛平之亮三族淮南王

英布以廣陵叛無有淮東西地

丙午帝征淮南平之亮英布三族周勃平代獲

陳豨于當城帝崩太子盈踐位是謂惠帝

太后呂氏臨朝稱制蕭何嘗參陳平周勃

輔政柔高祖于長陵廬館以燕叛

丁未太后殺趙王如意及母夫人戚氏齊王肥

獻陽城為魯元公主湯沐邑

○燕人衛滿亡入朝鮮逐箕子據王儉



城仍號朝鮮箕準避滿浮海居金為郡  
是為馬韓○秦亡人避入韓韓人割東  
界以與之是為辰韓○弁韓不知其始  
祖年代而後屬於辰韓通謂之三韓

戊申相國蕭何卒曹參為相國

己酉城長安

庚戌除挾書律

辛亥相國曹參卒王陵為右丞相陳平為左丞

相

壬子太尉樊噲卒周勃為太尉

癸丑惠帝崩立無名子為帝葬惠帝于安陵封  
呂氏四人為三六人為侯罷三陵相進陳  
平右丞相以嘗食其為左丞相關政于內  
太后專制名雉

甲寅

乙卯

丙辰

丁巳幽無名子于求巷殺之立恒山王義為帝

戊午尉它稱帝南越

己未匈奴寇狄道

庚申太后殺趙王友以梁王呂產爲相國趙王

呂祿爲上將軍分統南北軍

辛酉太后呂氏崩丞相陳平太尉周勃朱虛侯

劉章曲周侯酈商及子寄誅呂產獲南北

軍夷呂氏三族廢恒山王義迎高祖中子

代王恒于鴈門立之是謂文帝以宋昌爲

衛將軍專南北軍丞相陳平讓周勃右丞

相而爲左丞相灌嬰爲太尉張武爲中將

壬戌以皇子啓爲皇太子周勃免相陳平兼左

右丞相

癸亥丞相陳平卒周勃復相始作銅虎符

經世之申二千二百二十九

甲子漢孝文皇帝三年免周勃相以灌嬰為  
相王興居以濟北叛平之匈奴寇北地

乙丑絳侯周勃下廷尉

丙寅

丁卯王長以淮南叛徙之蜀城放賈誼于長沙

戊辰

己巳

庚午

辛未

壬申

癸酉

甲戌除肉刑

乙亥

丙子祀上帝

丁丑

戊寅改稱元年是謂復元

己卯

庚辰

辛巳

壬午

癸未匈奴寇雲中上郡命六將屯備周亞夫軍

細柳

甲申文帝崩太子啓踐位是謂孝景皇帝葬太

宗于灊陵

乙酉與匈奴約和親

丙戌

丁亥吳王濞膠西王卬楚王戊趙王遂濟南王

辟光菑川王賢膠東王雄渠七國連叛誅

御史大夫晁錯七國平梁孝王霸有東土

戊子以皇子榮為皇太子

己丑以公主嬪于匈奴

庚寅

辛卯廢皇太子榮以膠東王徹為皇太子太尉

周亞夫為丞相

壬辰改稱元年是謂中元

癸巳

經世之頁二千二百三十

甲午漢孝景皇帝十年周亞夫免相

乙未

丙申

丁酉

戊戌歲改元年是謂後元周亞夫下獄死

己亥

庚子景帝崩皇太子徹踐位是謂孝武皇帝葬

帝于陽陵

辛丑改建元元年

壬寅寶嬰免相田蚡免太尉

癸卯



甲辰

乙巳

丙午

丁未改元元光始令郡國貢孝廉董仲舒起焉

戊申

己酉

庚戌實嬰妻市田蚡卒

辛亥廢皇后陳氏以衛夫人為皇后弟青為將

軍

壬子命將四大伐匈奴無功

癸丑改元元朔

甲寅衛青伐匈奴有功收河南置朔方五原郡

乙卯

丙辰匈奴寇上郡

丁巳匈奴寇鴈門衛青伐之有功拜大將軍公

孫弘為丞相封平津侯

戊午衛青征匈奴大有功霍去病為嫖姚校尉

張騫通西域有功封博望侯

己未改元元狩獲白麟故也淮南王安衡山三

賜二國叛平之冊據為皇太子

庚申霍去病征匈奴至于居延拜驃騎將軍李  
廣征匈奴無功謫為庶人

辛酉

壬戌衛青霍去病李廣大伐匈奴李廣自殺

癸亥丞相李蔡自殺

經世之成二千二百三十一

甲子漢孝武皇帝二十四年大司馬霍去病卒

乙丑改元元鼎

丙寅丞相翟青下獄死

丁卯徙函谷關于新安

戊辰封方士藥大爲樂通侯

己巳南越王相呂嘉叛諸侯坐酎金輕奪爵者  
一百六十人丞相趙周下獄死樂通侯藥  
大坐誣罔棄市西羌及匈奴叛五原

庚午南寇平東越王餘善叛卜或爲御史大夫  
辛未改元元封帝征匈奴至于北海東越殺餘  
善降有事于東西中三嶽及禪梁父東巡  
狩至于碣石西歷九原歸于甘泉

壬申復巡太山作鄒子隄朝鮮寇遼東

癸酉朝鮮殺其王右渠以降純汾陰后土

○衛滿既逐箕準據王儉城會孝惠高  
后時天下初定滿得以其兵財侵降旁  
邑真蕃臨屯皆來服屬方數千里傳子  
至孫右渠所誘漢亡人滋多武帝遣使  
諭右渠終不肯奉詔殺漢使至是帝遣  
樓舡將軍楊僕浮渤海左將軍瓌出遼  
東討之右渠拒之兵久不決帝遣濟南  
太守公孫遂討之得以便宜從事朝鮮  
相路人等謀殺右渠降漢遂定朝鮮為  
四郡曰樂浪曰臨屯曰玄菟曰真蕃

甲戌

乙亥南巡狩至于盛唐大司馬衛青卒

丙子西幸回中及祀汾陰后土

丁丑改元太初東巡太山更以建寅月爲歲首

西伐大宛起建章

戊寅北幸河東祀后土騎二萬征匈奴不復

己卯東巡海上匈奴寇張掖酒泉

庚辰李廣利平大宛獲其王及汗血馬

辛巳改元天漢中郎將蘇武使匈奴北幸河東

壬午東巡至于海上又西幸回中將軍李陵征

匈奴不還

癸未東巡泰山又北幸常山匈奴寇鴈門

甲申大伐匈奴不利朝諸侯甘泉宮

乙酉改元太始

丙戌西幸回中

丁亥東巡海上

戊子東巡泰山

己丑改元征和巫蠱事起

庚寅太子殺江充相劉屈氂攻太子戰于長安

太子敗死皇后自殺諸邑公主皆坐巫蠱

死

辛卯大伐匈奴巫蠱事覺誅丞相劉屈氂

壬辰東巡海上天下疲于兵革

癸巳改元後元重合侯馬通死

經世之亥二千二百三十二

甲午漢孝武皇帝五十四年册皇子弗陵為皇

太子帝幸盤屋五柞宮崩大司馬霍光顧

命太子弗陵嗣皇帝位是謂昭帝奕世宗

于茂陵大將軍霍光專政

乙未改元始元



丙申

丁酉

戊戌

己亥

○以朝鮮舊地平那玄菟等郡為平州  
都督府臨屯樂浪等郡為東府都督府

庚子

辛丑改元元鳳誅鄴邑長公主及燕王朝左將

軍上官桀謀害霍光事覺故也

壬寅

癸卯

紀世書補編卷之三  
三十六

甲辰丞相田千秋卒

乙巳丞相王訢卒

丙午

丁未改元元平昭帝崩昌邑王賀立葬帝于平

陵賀立不朋大將軍霍光廢之迎戾太子

孫詢立之是謂孝宣皇帝丙吉為相

戊申改元本始

己酉命將五兵十五萬大伐匈奴

庚戌

辛亥皇后許氏遇毒崩霍光以女立皇后

壬子改元地節

癸丑大司馬大將軍霍光卒子禹繼事

甲寅冊皇子詼爲皇太子

乙卯大司馬霍禹謀逆事覺夷三族廢皇后霍

氏

丙辰改元元康

丁巳冊王氏爲皇后

戊午太子太傅疏廣太子少傅疏受謝病歸東

海

己未

庚申改元神爵趙充國伐西羌

辛酉

壬戌蕭望之為御史大夫

癸亥潁川太守黃霸賜爵關內侯河南太守

嚴延年棄市

以運經世之八

經元之甲一

經會之午七

經運之庚一百八十七

經世之子二千二百三十三

經世之子二千二百三十三

甲子漢孝宣皇帝十七年改元五鳳左馮翊太

守韓延壽棄市貶蕭望之為太子太傅坐

慢丞相丙吉也平通侯楊惲棄市坐怨望

也

新羅本紀卷之三  
三十八

○夏四月丙辰新羅始祖朴赫居世立  
先是朝鮮遺民分居東海濱山谷爲六  
村曰關川楊山曰突山高墟曰背山珍  
支曰茂山大樹曰金山加里曰明活山  
高耶是謂辰韓六部高墟村長蘇伐公  
望楊山麓蘿井林間有馬嘶聲往見之  
得太卯剖有嬰兒養之歧疑夙成六部  
異之共立爲君年十三號居西干國號  
徐羅伐以朴爲姓以所剖之卯似瓠故  
云蓋鄉音謂瓠爲朴也其地東南至大

海西至智異山北至漢江

乙丑

丙寅丞相丙吉卒黃霸為相

丁卯

戊辰改元甘露

○正月立關英為妃

己巳

庚午匈奴呼韓邪單于來朝于定國為相

辛未

壬申改元黃龍宣帝崩于未央宮皇太子爽踐

位是謂孝元皇帝

癸酉改元初元葬中宗于杜陵

甲戌冊皇子鸞為皇太子盜殺蕭望之

乙亥

丙子幸河東

丁丑

戊寅改元永光

己卯西羌叛韋玄成為相

庚辰西羌平

辛巳



壬午

癸未改元建昭

甲申

○高勾麗始祖朱蒙立先是扶餘王金  
蛙得女子於太白山南優勃水間之曰  
我是河伯之女柳花與諸弟出遊解慕  
漱誘入熊心山下鴨綠室中私之即往  
不返父母責我無媒而從入遂謫於此  
蛙異之幽於室中爲日所照因有娠生  
一卵蛙棄之犬豕不食牛馬避之鳥覆  
翼之欲剖之不能還其母裹置暎處有

男子破殼而出骨表英奇甫七歲自作  
弓矢射之發無不中扶餘俗謂善射為  
朱蒙故名之蛙有七子其技能皆不及  
忌朱蒙欲殺之朱蒙乃與烏伊摩離陝  
父等三人行至淹流澗欲渡無梁祝曰  
我是天帝子河伯外孫今日逃難追者  
垂及奈何於是魚鼈成橋得渡橋解追  
騎不及至毛屯谷遇麻衣衲衣水藻衣  
三人俱至卒本扶餘沸流水上都焉國  
號高句麗因姓高氏時朱蒙年二十二

四方聞之來附者衆韎韠畏服

乙酉匡衡為相

○松壤以國降于高句麗以其地為多

勿都

丙戌 ○高句麗黃龍見鵠嶺

丁亥 ○高句麗雲霧四塞不辨人七日○六

月晦新羅日有食之○秋七月高句麗

營城郭宮室

戊子改元竟寧帝崩皇太子鶩踐位是謂孝成

皇帝葬高宗子謂陵王鳳為大司馬大將

軍專政

己丑改元建始

○新羅營宮室於金城○高句麗神

雀集宮庭○高句麗王命烏伊扶芬

奴伐苻人國國在太白山東南又流

北沃沮其地濱海多山古肅慎國也

庚寅

辛卯王商止訛免相匡衡為庶人

壬辰河大決王商為相

癸巳

○夏四月晦新羅日有食之○樂浪人

侵新羅見邊人夜戶不扃露積被野相  
謂曰民不相盜可謂有道之國也乃引  
退

經世之丑二千二百三十四

甲午漢孝成皇帝六年○新羅赫居世三十一  
年○高句麗朱蒙十一年

乙未 ○秋八月晦新羅日有食之

丙申

丁酉改元陽朔京兆尹王章下獄死張禹為相  
戊戌王音為御史大夫

已亥大司馬王鳳卒弟音繼事

庚子

辛丑改元鴻嘉

壬寅

○高句麗朱蒙薨號東明王王太子類

利踐位初朱蒙在扶餘娶禮氏有娠王

既去乃生類利有奇節喜彈丸嘗出遊

彈雀誤中汲婦盆婦罵曰此兒無父其

頑如此類利慙復以泥丸彈塞之歸問

其母曰我父何人母曰汝父非常人不

容於國南奔開國方行語妾曰有遺物

方在七嶺七谷石上松下得此者乃吾  
兒也類利遍索山谷不得一日柱礎間  
若有聲就見礎石有七稜自解曰七嶺  
七谷者七稜也石上松者柱也乃搜柱  
下得斷劍一段行至卒本見王以劍進  
王出所藏劍合之果驗為嗣

癸卯廢皇后許氏

○百濟始祖高溫祚立初朱蒙逃難至  
卒本扶餘其王無子妻以女未幾王薨  
朱蒙嗣生二子長曰沸流次曰溫祚及

類利為太子二人恐不容遂與烏于馬  
黎等十人南行至漢山登負兒嶽望可  
居之地沸流居彌鄒忽温祚都河南慰  
禮城以十臣為輔國號十濟沸流以彌  
鄒土濕水醜不得安居來見慰禮都邑  
既定人民安泰慙恚而死其民皆歸慰  
禮改國號曰百濟系與高句麗同出扶  
餘以扶餘為氏百濟其地東至智異山  
西南至大海北至漢江○百濟立東明  
王廟



甲辰 百濟王患鞞鞞連歲來侵北邊以族

父乙音有知識為右輔委以兵事 高

勾麗遣扶芬奴伐鮮卑克之 東沃沮

遣使新羅獻良馬

乙巳改元永始封王莽新都侯冊趙飛燕為皇

后

冬十月百濟雷桃李華

丙午大司馬王音卒王商為大司馬翟方進為

相孔光為御史大夫

春二月新羅日有食之

丁未

戊申大司馬王高免王根為大司馬

己酉改元元延

庚戌 鞞鞞圍百濟慰禮城

辛亥

壬子 高勾麗擊鮮卑降之 鞞鞞寇百濟

北邊

癸丑改元綏和

甲寅成帝崩皇太子欣踐位是謂孝哀皇帝太

后王氏臨朝稱制大司馬王根專政奏成

帝于延陵王報罪免丁明為大司馬孔光  
為丞相

○春正月高句麗焚感守心

乙卯改元建平冊傳氏為皇后傳喜為大司馬  
朱博為大司空

○扶餘以兵五萬侵高句麗

丙辰傳喜免丁明復為大司馬孔光免朱博自  
殺

○百濟來遷漢山都○東沃沮獻良馬  
于新羅

丁巳相平嘗受王嘉為相

○百濟作新宮○二月新羅星孛河鼓

戊午息夫躬下獄死

己未改元元壽相王嘉下獄死大司馬丁明免

○春正月朔新羅日有食之○百濟立

國母廟

庚申三公分職董賢為大司馬孔光為大司徒

彭宣為大司空帝崩太皇太后王氏稱制

罷董賢大司馬以王莽為大司馬錄

尚書事廢太后趙氏迎元帝庶孫中山王

衍立之是謂平帝  
葬哀帝于義陵  
王莽專政

辛酉改元元始封大司馬王莽安漢公

壬戌

○高句麗郊豕逸逐之至尉那岩王見其山水深險地宜五穀有移都之意

高句麗地震○秋九月新羅日有食之

癸亥

○高句麗遷都尉那巖城○王出田五箇日不返大輔挾父諫之王怒禘其職

挾父南奔

經世之實二千二百三十五

甲子漢孝平皇帝四年○新羅赫居世王六十

一年○高句麗類利王二十三年○百濟  
溫祚二十二年

王莽以女上皇后

○新羅王赫居世薨越七日王妃閼英  
薨太子南解踐位是謂次次雄始稱元  
葬始祖于蛇陵

乙丑王莽弑帝于未央宮立元帝孫孺子嬰  
加九錫

丙寅王莽改元居攝

○新羅立始祖廟○百濟王宮井水暴  
溢漢城人家馬生牛一首二身日者曰  
井溢者大王勃興之兆牛一首二身者  
大王并隣國之應也遂有吞辰韓之意  
新羅王以長女妻昔脫解脫解本多婆  
那國人身長九尺風神秀朗智識過人  
望楊山下瓠公宅為吉地計取而居王  
聞其賢為大輔委軍國重事○倭侵新  
羅邊郡○冬十月新羅日有食之

丁卯王莽稱假皇帝翟義之嚴鄉侯信于東都

新世書前錄卷之三  
四十七

莽將王邑滅之

戊辰王莽改元初始

己巳王莽竊國命改國為新室元曰建國降孺

子嬰為定安公

○馬韓圓山錦峴二城降百濟馬韓亡

庚午王莽大殺宗室校書郎楊雄授天祿閣不

克死

辛未

壬申

王莽發高句麗兵伐胡高句麗不欲行



迫遣之皆出塞因侵遼西殺太守田譚

莽怒遣嚴尤擊之降封下句麗侯

癸酉 ○百濟地震○扶餘侵高句麗王使太

子無恤帥師大敗之

甲戌王莽改元天鳳四夷交侵中國

乙亥

丙子 ○秋七月晦新羅日有食之

丁丑群盜起

戊寅 ○高句麗類利王薨號琉璃明王太子

無恤踐位以乙豆智為左輔

己卯校書郎楊雄卒

○高句麗地震大赦○百濟民千餘戶  
來投新羅

庚辰王莽改元地皇兵起綠林

○高句麗立東明王廟○高句麗王田  
骨勾川得神馬名驅騾○扶餘王遣使  
高句麗送赤烏一頭二身初扶餘人得  
烏獻其王或謂并二國之徵既送高句  
麗報曰黑者北方今變為南方之色兩  
國存亡未可知也扶餘王帶素悔之

辛巳

壬午劉玄稱兵宛業劉秀及兄伯升稱兵卷陵  
癸未劉玄稱帝元曰更始以劉伯升為司徒劉  
秀為太常偏將軍是年大破莽將王尋王  
邑軍于昆陽三輔遂滅莽于漸臺劉玄拜  
劉秀破虜大將軍行大司馬事使持節巡  
河北王郎以王子林稱帝邯鄲  
甲申劉玄西入長安殺漢孺子嬰大將軍劉秀  
北徇薊還拔邯鄲誅王郎受玄封蕭王又  
敗銅馬賊于鄒又敗赤眉賊于射犬赤眉

西攻長安劉永擅命睢陽公孫述稱王蜀  
巴李憲稱王淮南秦豐稱王黎丘張步稱  
兵琅邪董憲稱兵東海延岑稱兵漢中田  
戎稱兵夷陵

乙酉蕭王肇帝位于河朔之部國曰漢元曰建  
武南拔洛陽都之赤眉陷長安稱帝殺劉  
玄公孫述稱帝成都元曰龍興劉永稱帝  
睢陽隗囂稱兵隴右盧芳稱兵安定彭寵  
稱王薊門

○新羅王南解憂遣命朴昔以年長相

襲太子儒理踐位號居師今

丙戌赤眉焚長安宮室陵寢銅馬青犢尤來立  
孫登為帝于上都其將樂方殺之

○高句麗伐蓋馬國以其地為郡縣句  
茶國聞蓋馬滅懼舉國來降○百濟地

震

丁亥赤眉降漢于宜陽長安平蓋延平劉永于

睢陽隗囂以西州格命李憲稱帝淮南

○百濟始祖溫祚薨太子多婁踐位

○遼東太守伐高句麗

已丑彭寵為家奴所殺來降封不義侯薊門平  
朱祐平秦豐于黎丘滅張步于臨菑盧芳  
稱帝于五原帝徵嚴光不起

庚寅馬成平李憲于淮南吳漢平董憲于東海  
隗囂以西州入于蜀

辛卯

壬辰西征馮異竇融破隗囂于隴右

○高句麗王以貪暴廢佛流部長仇都  
逸為焚永為庶人舉鄒勃素代之三人  
詣堂下謝罪勃素曰人孰無過而改則

善莫大焉仇都等感愧不復為惡○高  
勾麗王元妃恐王子好童以愛奪嫡譖  
以無禮王疑之或勸自釋曰我若釋之  
是顯母之惡貽父之憂遂伏劍而死  
百濟始作稻田

癸巳隗囂死子純立來款馮異伐蜀八天水

經世之卯二千二百三十六

甲午漢光武皇帝十年○新羅儒理王十一年

○高勾麗大武神王十七年○百濟多

婁王七年

西征滅魏純于隴右

乙未西征蜀至于南陽吳漢岑彭大破蜀軍于  
荊門

丙申吳漢拔成都誅公孫述及將田戎岑延

丁酉盧芳自五原入匈奴

戊戌天下平

己亥大司徒歐陽歙下獄死

庚子交趾○女真徵側叛青徐幽冀盜起

辛丑南巡廢皇后郭氏為中山太后冊貴人陰

氏為皇后



壬寅西巡史歆以成都叛吳漢復平馬援伐交

趾幸長安

○駕洛國始祖金首露王立初九干首  
長得金合於龜峯開視之有六金卵皆  
化爲男奇偉長大衆推始生者爲主姓  
金氏以始見名首露國號大駕洛餘五  
人各爲五伽耶主

癸卯南巡馬援平交趾封新息侯廢皇太子疆  
爲東海王以東海王陽爲皇太子

甲辰大司徒戴涉下獄死

經世書  
卷之三  
五十一  
○高句麗王無恤薨號大神武王太子  
解憂年幼國人立王弟解邑朱○漢遣  
兵渡海伐樂浪取其地為郡縣薩水以  
北屬漢

乙巳

丙午

丁未

戊申 ○高句麗王解邑朱薨太子解憂踐位  
己酉馬援破馬武蠻

庚戌作壽陵

辛亥

壬子

○高勾麗王解憂暴戾不仁不恤國事坐必籍人卧則枕之人或動搖輒殺之有諫者射之百姓多怨之

癸丑

○高勾麗杜魯弑其君解憂國人迎琉璃王孫宮立之是謂太祖王年七歲太后垂簾聽政○葬解憂於慕本原因以爲號

甲寅東巡狩

乙卯

收之為子名曰闕智改始林為鷄林因  
以為國號

丙寅

丁卯南巡狩

戊辰

己巳牟融為司空

庚午河大決

辛未

壬申東巡狩

癸酉司徒邢穆駙馬都尉韓光下獄死

甲戌

乙亥帝崩皇太子坦踐位是謂孝章皇帝英顯

宗于節陵

丙子改元建初

丁丑 ○百濟王多婁薨太子已婁踐位

戊寅

己卯鮑昱為太尉桓虞為司徒詔于白虎觀議

五經同異

庚辰

○新羅脫解王薨儒理王第二子婆娑

踐位王節儉愛民勸農桑練兵章問高

年察吏勤慢國內大治

辛巳

壬午廢皇太子為清河王冊皇子肇為皇太子

北幸鄴西幸長安

癸未東巡狩

甲申改元元和南巡狩鄭弘為太尉

乙酉東巡狩

丙戌北巡狩

丁亥改元章和南巡狩

戊子帝崩皇太子肇踐位是謂孝和皇帝太后

實氏臨朝稱制實憲為車騎將軍專政

蕭宗于敬使鄧彪為太尉錄尚書事

己丑改元永元實憲敗匈奴于稽落勒功燕然

還為大將軍

庚寅

辛卯帝加元服班超平西域

壬辰實憲作逆事覺伏誅帝始親萬機

癸巳

經世之已二千二百三十八

甲午漢孝和皇帝六年○新羅婆娑三十五年

新羅書紀卷之三  
三十九

○高句麗太祖王四十一年○百濟已

婁三十八年

乙未

丙申

丁酉司徒劉方有罪自殺

戊戌

己亥

庚子張甫罷太尉張高為太尉

辛丑魯恭為司徒

○新羅等城于金城東南號月城或號



在城周一千二百步秋七月移新城  
壬寅廢皇后陰氏冊貴人鄧氏爲皇后徐防爲  
司空

癸卯南巡

○音汁伐國與悉直谷國爭強詣新羅  
請決王謂首露王年老多智召問之首  
露王立決以所爭之地屬音汁伐國以  
爭端伐音汁伐國降之○高句麗侵掠  
遼東六縣太守耿夔出兵拒之麗軍大  
敗

甲辰司徒魯恭罷免徐防為司徒陳寵為司空

乙巳改元元興帝崩皇子隆立是謂殤帝太后

鄧氏臨朝稱制車騎將軍鄧騭專政

丙午改元延平葬穆宗于慎陵帝又崩鄧騭迎

章帝孫佑立之是謂孝安皇帝葬殤帝于

康陵尹勤為司空

丁未改元永初魯恭為司徒張禹為太尉張敏

為司空周章謀廢立不克自殺

戊申鄧騭為大將軍

己酉帝加元服

庚戌海寇亂

辛亥西羌入寇張禹免太尉

壬子太后鄧氏有事于太廟劉愷為司空

○新羅婆娑王薨太子祗摩踐位

癸丑

甲寅改元元初司馬苞為太尉

乙卯冊閻氏為皇后劉愷為司徒袁敞為司空

○新羅伐加耶國師渡黃山河加耶伏

兵發國數重王奮擊決圍而退

丙辰李邵為司空

丁巳

戊午

己未

○高句麗與穢貊襲漢玄菟攻華麗城  
庚申改元永寧楊震為司徒

辛酉改元建光太后鄧氏崩帝始親政事特進  
鄧騭渡遼將軍鄧遵下獄死

○新羅等大醜城○倭寇新羅東邊漢  
幽州刺史馮煥玄菟太守姚光遼東太  
守蔡諷等將兵侵高句麗殺穢貊渠帥  
盡獲兵仗財物王乃遣弟遂成詐降領

兵據險以遮大軍潛遣兵攻玄菟遼東  
二郡焚其城郭殺獲二千餘人王與鮮  
卑兵又侵遼東太守蔡諷與戰敗績

○高句麗王以其弟遂成統軍國事

壬戌改元延光

癸亥司徒楊震為太尉

經世之午二千二百三十九

甲子漢孝安皇帝十八年○新羅祗摩王十三

年○高句麗太祖王七十二年○百濟

己婁王四十八年

東巡狩廢皇太子保為濟陰王楊震罷太尉馮石為太尉

○九月晦新羅日有食之○高句麗以

沛者穆度婁為左輔高福章為右輔與

參遂成政度婁知遂成有異心稱疾不

仕

乙丑帝南巡崩于葉太后閻氏臨朝稱制閻顯

為車騎將軍專政立章帝玄孫北鄉侯懿

誅大將軍耿寶葬恭宗于恭陵懿又卒車

騎將軍閻顯及大長秋江京閉宮門擇立

他子中黃門孫程等十九人殺江京迎濟  
陰王立之是謂孝順皇帝顯兵入北宮不  
勝孫程取閻顯及江京之黨殺之亂乃定  
以王禮葬北鄉侯馮石為太傅劉熹為太  
尉李郃為司徒

丙寅改元永建皇太后閻氏崩恒焉為太傅朱  
寵為太尉朱儂為司徒

丁卯 秋七月朔新羅日有食之

戊辰 百濟王已婁薨太子蓋婁立

己巳帝加元服龐參為太尉王寵為司空劉嶠

爲司徒

庚午班始棄市

辛未

壬申改元陽嘉冊梁氏爲皇后

癸酉施延爲太尉

甲戌黃尚爲司徒王卓爲司空

○新羅王祗摩薨無子立儒理之子逸

聖

乙亥 ○ 韎韞燒新羅長嶺五柵侵掠不已新

羅旋立柵以防之



丙子改元永和王龍英爲太尉

丁丑郭虔爲司空

戊寅劉壽爲司徒

己卯誅中常侍張達

庚辰

辛巳趙戒爲司空梁冀爲大將軍

壬午改元漢安遣張綱等八使持節巡行天下

廣陵寇亂趙峻爲太尉胡廣爲司徒

癸未彭門寇亂

甲申改元建康帝崩皇太子炳踐位是謂沖帝

太后梁氏臨朝稱制大將軍梁冀專政  
敬宗于憲陵盜發憲陵免尚書樂已為廢  
人

乙酉改元永嘉帝崩太后梁氏大將軍梁冀迎

肅宗孫續立之是謂質帝葬沖帝于懷陵

江淮寇亂九江賊稱皇帝歷陽賊稱黑帝

丙戌改元本初梁冀弒帝迎肅宗曾孫志立之

是謂桓帝李固罷免梁冀專政

○高句麗王傳位於弟遂成高福章諫

曰遂成忍而不仁今日受禪明日害大

王之子孫王不聽遂成立殺右輔高福  
章福章臨刑嘆曰今君以不義殺一忠  
臣吾與其生於無道之時不如死之速  
也乃即刑又殺太祖王元子莫勤其弟  
莫德恐禍及自縊死

丁亥改元建和梁冀以女上皇后杜喬為太尉  
胡廣罷免李固杜喬下獄死

戊子帝加元服趙戒為太尉袁湯為司空  
己丑 ○四月晦高句麗日有食之

庚寅改元和平太后梁氏崩

辛卯改元元嘉黃瓊為司空罷免

壬辰

癸巳改元永興袁成達隗為三公

經世之末二千二百四十

甲午漢孝桓皇帝八年○新羅逸聖王二十一

年○高句麗次大王九年○百濟蓋婁

王三十七年

黃瓊為太尉尹頌為司徒

○新羅置迎日縣開竹嶺路○高句麗

前王堯壽一百十九歲○新羅逸聖王

薨太子阿達羅踐位

乙未改元永壽韓縝為司空

丙申

丁酉

戊戌改元延熹

己亥皇后梁氏崩大將軍梁冀謀逆事覺夷三

族黃門單超擅命胡廣韓縝死

庚子白馬令李雲直諫死于獄太山及長沙寇

亂

辛丑武庫火

卷之三  
六十三

壬寅

癸卯

甲辰南巡揚兼為太尉

乙巳廢皇后鄧氏冊貴人竇氏為皇后陳蕃為

太尉竇武為大將軍

○高句麗臨明荅夫弒其君遂成號次

大王立其弟伯固乃以臨明荅夫為國

相以前王太子鄒安為讓國君

丙午黨錮事起司隸校尉李膺等三百人下獄

○百濟王蓋婁薨子肖古踐位○百濟

潛師破新羅西鄙二城虜男女一千  
新羅命一吉冷興宣領兵二萬伐之百  
濟悞還停乞祀

丁未改元永康帝崩太后竇氏臨朝稱制

戊申竇武迎肅宗玄孫解犢亭侯宏立之是謂  
靈帝竇武錄尚書事專政改元建寧葬威  
宗于宣陵中常侍曹節王甫殺太傅陳蕃  
大將軍竇武及尚書尹勳侍中劉瑜屯騎  
校尉馮述夷其族徙太后竇氏于南宮謀  
誅宦氏不克故也胡廣爲太尉劉寵爲司

徒

己酉朋黨事復起殺李膺等百人

庚戌

辛亥帝加元服册宋氏為皇后

壬子改元熹平太后竇氏崩誣搆事大起

○漢玄菟太守耿臨以大兵攻高句麗

荅夫因其士卒飢困引還追戰于坐原

大敗之

癸丑段熲為太尉楊賜為司空

甲寅李郃為太尉



乙卯五經文皆刻石于太學袁隗為司徒

丙辰劉寬為太尉楊賜為司徒

丁巳大伐鮮卑孟軻為太尉陳耽為司空

戊午改元光和合浦交趾內寇廢皇后宋氏太

常壽至三公袁滂為司徒

己未諸貴臣下獄死者相繼宦氏誣故也劉郃

為司徒段熲為太尉張濟為司空

○高句麗王伯固薨號新大王太子男

武踐位立于氏為后

庚申陳耽為司徒冊何氏為后

辛酉作宮市帝遊以驢為駕

壬戌

癸亥

經世之申二千二百四十一

甲子漢孝靈皇帝十七年○新羅阿達羅王三

十一年○高句麗故國川王六年○

百濟肖古王十九年

黃巾寇起鄧成爲太尉張溫爲司空侍中

向栩張鈞下獄死閹人大起誣構黃巾平

○新羅阿達羅王薨無嗣立脫解王孫

伐休占風雲預知水旱豐儉又能知人  
邪正人謂之聖王巡州郡觀風俗下令  
無作土木之事以奪農時○新羅與百  
濟戰多斬獲百濟又襲新羅大敗之羅  
王貶將軍仇道以薛至為左軍主○高  
句麗左可慮叛伏誅聘處士乙巳素為  
國相立賑貧法

乙丑黑山賊起崔烈為司徒張延為太尉許相  
為司空三輔寇亂陳耽劉陶坐直言死

丙寅張溫為太尉江夏兵起前太尉張延下獄

死

丁卯賣官至關內侯曹嵩為太尉三輔盜起漁  
陽賊稱帝

戊辰天下群盜起黃巾賊復寇郡國稱帝置八  
校尉以捕天下群盜馬日磧為太尉曹操  
為典軍校尉袁紹為中軍校尉董重為驃  
騎將軍

己巳帝崩皇太子辯踐位皇太后何氏臨朝稱  
制大將軍何進專政改元光熹封皇弟協  
為渤海王殺上軍校尉蹇碩驃騎將軍董卓

重及太皇太后董氏議立協故也徙協爲  
陳留王中常侍張讓改珪殺大將軍何進  
中郎袁術以兵攻東宮張讓改珪以帝及  
陳留王走北宮何苗攻北宮司隸校尉袁  
紹兵入大殺閹豎讓珪以帝及陳留王出  
走小平津尚書盧植兵追及之讓珪投于  
河死盧植以帝及陳留王還宮改元昭寧  
董卓自太原入廢帝為弘農王立陳留王  
協是謂獻帝徙太后何氏于永安宮改元  
永漢卓殺太后何氏及弘農王辯于永安

宮稱相國專制黃宛為太尉楊彪為司徒  
荀爽為司空袁紹入冀州

庚午改元初平天下兵起群校尉推袁紹為主  
同攻董卓卓大殺宗室及官屬遷帝西都  
長安孫堅兵起荊州白波賊寇東郡劉虞  
為大傅种拂為司空

辛未董卓稱太師大焚洛陽宮闕及徙居民于  
長安孫堅敗董卓兵于陽人入洛修完諸  
帝陵寢引軍還魯陽黑山賊寇常山黃巾  
賊擾太山

壬申董卓將王允呂布誅卓于長安夷三族卓  
將李傕郭汜陷長安殺王允呂布走袁紹  
傕汜擅政以皇甫嵩為太尉淳于嘉為司  
徒曹操破黃巾于壽張孫堅卒子業代總  
其衆

癸酉李傕郭汜屠三輔朱雋為太尉趙溫為司  
空袁紹袁術交兵東方

甲戌改元興平帝加元服楊彪為太尉孫策據  
有江南

乙亥李傕郭汜爭權相攻于長安楊定楊奉董

經世書

卷之三

承以帝東還曹操攻呂布于定陶遂有兗州布走劉備

丙子帝還洛陽改元建安曹操徙帝都許昌

○新羅伐休王薨孫奈解嗣久不雨即位乃雨

丁丑袁術稱帝九江拜袁紹大將軍曹操破袁術于揚州呂布襲劉備于下邳劉備走曹操

○中國大亂漢人避亂投高句麗者甚多○高句麗故國川王男武薨于后矯



遺命立王弟延優勇武弟發歧請師于  
遼東太守公孫度討延優其弟劌須以  
王命率兵禦之發歧不克自殺延優立  
前王妃于氏為后

戊寅曹操平呂布于下邳兼有徐州

己卯袁紹破曹操將公孫瓚于易京孫策破劉  
勲于廬江

○駕洛國首露王卒壽一百五十八妃  
許氏亦一百五十七而卒子居登嗣○  
百濟攻新羅腰車城拔之百濟連歲來

侵命王子利音將六部伐百濟破沙峴  
城仍以利音知內外兵馬事○新羅人  
勿稽子嘗征伐屢有功不見錄携琴入  
師巍山隱居焉○高句麗王立子郊  
爲太子先是郊豕逸至酒桶村有一女  
執之王異之微行幸其女生子因以郊  
豕而得之故名曰郊豕後改其名曰優  
位居

庚辰曹操大敗袁紹于官渡劉備去曹操奔劉  
表于荆南江南孫策卒弟權繼事

辛巳

壬午袁紹卒子尚繼事以弟譚為將軍

癸未袁尚袁譚相攻譚敗奔曹操

甲申曹操破袁尚于鄴兼有冀州尚走青州譚

復奔尚

乙酉曹操滅袁氏于青州譚死尚走烏丸

丙戌曹操破高幹于太原幹走荊州

丁亥曹操破烏丸于聊城袁尚走遼東死

戊子曹操殺太中大夫孔融遂領丞相荊州劉

表卒子琮繼事劉備起諸葛亮于南陽亮

孫權傳 卷之二十一 十七

以吳周瑜兵大敗曹操于赤壁遂有荊州

稱牧治公安

己丑孫權會劉備于京口劉備表孫權為徐州

牧孫權表劉備為荊州牧

○高句麗移都丸都

庚寅曹操起銅雀臺于鄴孫權南牧交州

辛卯曹操平關中益州劉璋會劉備于葭萌孫

權自京口徙治秣陵

壬辰曹操割河已北屬鄴孫權城石頭改秣陵

辛巳為建業

癸巳曹操以冀之十郡稱魏國公加九錫劉備  
攻劉璋于成都孫權扞曹操于濡須

經世之百二千二百四十二

甲午漢獻帝二十六年○新羅奈解三十九年

○高句麗延優三十八年○百濟肖古

王四十九年

曹操弑皇后伏氏及二皇子又破張魯米  
賊于漢中劉備克成都據有巴蜀孫權取  
劉備三郡

○百濟肖古王薨子仇首王踐位○隸

水經注卷之三

鞞圍百濟赤縣城不克○漢平州入夏

瑤以一千餘家投高句麗○百濟侵新

羅牛頭鎮敗之○百濟圍新羅犂山城

王親率兵擊破之

乙未曹操以女上皇后又平張魯于漢中孫權

劉備連兵攻曹操

丙申曹操進爵為魏王南伐吳

丁酉曹操用天子服冠孫權稱表曹操報以婚

禮

戊戌少府耿紀司直韋晃殺曹操不克伏誅操

攻劉備進攻漢中帝冕一作冕

己亥劉備取曹操漢中稱王孫權取劉備荊州

稱牧關羽死之

庚子改元建康曹操卒子丕繼事是年丕代漢

命于鄴是謂文帝改國曰魏元曰黃初降

帝為山陽公奕太祖曹操于西陵自鄴徙

都洛陽

辛丑魏郊祀天地是年劉備稱帝成都建國曰

蜀元曰章武諸葛亮為相孫權自建業徙

都鄂改鄂為武昌

壬寅魏加兵于吳蜀伐吳不利敗于琥亭是年

孫權稱王武昌是謂文帝建國曰吳元曰

黃武通使蜀以脩前好

癸卯蜀主備卒于白帝城太子禪繼是謂後主

改元建興 與吳和親

甲辰魏伐吳

乙巳魏伐吳治兵廣陵蜀諸葛亮平四郡蠻

丙午魏帝丕終太子歡嗣位是謂明帝司馬懿

為驃騎將軍

丁未魏改元太和有事于南郊及明堂蜀諸葛



亮出陣漢中

○高勾麗山上王薨子優位居踐位

戊申蜀諸葛亮圍陳倉吳破魏石亭

己酉蜀克魏武都吳孫權稱帝改元黃龍自武

昌復徙都建業

庚戌魏伐蜀假司馬懿黃鉞蜀諸葛亮攻魏天

水

○新羅奈解王薨婿助賁嗣

辛亥蜀圍魏岐山

壬子蜀息軍黃沙吳改元嘉禾

經世書前編卷之三  
十一  
癸丑魏改元青龍蜀伐魏師出褒斜

甲寅魏南伐吳至于壽春西伐蜀至于魏南蜀  
諸葛亮卒于師吳伐魏師出合肥是年漢

山陽公卒

○百濟仇首王薨肖古王弟古余王嗣

乙卯魏大起洛陽宮室司馬懿為太尉蜀以蔣

琬為大將軍專國事

丙辰

丁巳魏改元景初公孫淵以遼東叛稱王

戊午魏司馬懿平遼東蜀改元延熙吳改元赤

烏

己未魏明帝敕終齊王芳繼司馬懿及曹爽輔

政

庚申魏改元正始

辛酉吳全琮伐魏軍出淮南

壬戌蜀姜維伐魏軍出漢中

癸亥魏帝加元服司馬懿伐吳至于舒蜀蔣琬

伐魏軍出漢中吳伐魏軍出六安

經世之成二千二百四十三

甲子魏主芳五年蜀主禪二十一年吳主權二

十三年○新羅助賁王十五年○高句麗

優位居王十八年○百濟古爾王十一

年

魏曹爽伐蜀無功

乙丑蜀伐魏費禕師出漢中吳將馬武作難亮

三族

丙寅○高句麗為魏幽州刺史毋丘儉所侵

棄九都王奔南沃沮魏兵退還都平壤

丁卯魏曹爽專政何晏秉機司馬懿稱病

○新羅助賁王薨弟沾解嗣封其父骨

正爲立神葛文王○吳王孫權遣胡衛  
通和于高句麗王斬其使傳首于魏又  
遣使如魏賀改元遣兵助司馬懿討公  
孫淵

戊辰蜀伐魏費禕出漢中

○高句麗東川王薨太子然弗踐位東  
川之薨國人懷德莫不哀傷近臣欲自  
殺以殉及葬至墓自死者甚多國人伐  
柴以覆其屍名其地曰柴原○新羅于  
老討滅沙梁伐國○倭使葛耶古聘新

羅于老儂之戲言早晚汝王爲監奴王  
妃爲嬖婢倭主聞之遣將伐之于老以  
由已致寇單騎赴倭軍謝之倭人執而  
燒殺之後倭使來于老妻請王私饗之  
乘其醉執而焚殺之

已巳魏曹爽奉其君謁高平陵太傅司馬宣王  
稱兵于內夷大將軍曹爽及其黨支曹羲  
曹訓曹彥何晏丁謐鄧颺畢軌李勝桓範  
張當三族迎帝還宮改元嘉平復皇太后  
懿加九錫專國事

庚午魏伐吳南郡

辛未魏司馬懿宣王卒子師繼事吳改元太元

○高句麗王殺其夫人貫那○高句麗

王敗于杜訥谷魏將尉遲楷來侵王簡

精騎敗之于梁栢谷

壬申魏伐吳不利吳改元神鳳權卒子亮繼改

元建興

癸酉吳蜀伐魏

甲戌魏亂司馬師廢其君芳立高貴鄉公髦改

元正元師假黃鉞專制稱景王蜀伐魏姜

維拔魏三城

乙亥魏司馬師伐吳平淮南還許昌卒弟昭繼  
事為大將軍錄尚書事專政蜀姜維敗魏  
軍于臨洮吳孫峻敗魏于壽春

丙子魏改元甘露大敗蜀軍于上邽司馬昭稱  
文王假黃鉞吳改元太平大將軍孫峻卒

國亂

丁丑魏大將軍諸葛誕以揚州叛入于吳蜀伐  
魏姜維師出洛谷吳主亮始親政事

戊寅魏司馬昭伐吳拔壽春誅諸葛誕蜀改元



景耀宦氏黃皓專政吳亂大將軍孫琳廢  
其君亮立亮弟休改元永安琳作逆伏誅

己卯

庚辰魏亂司馬昭弑其君髦立常道鄉公璜改

元景元昭加九錫稱晉國公專制

辛巳

○百濟遣使新羅請和不從○新羅沾

解王薨立其姝壻金味鄒追封父仇道

為葛文王

壬午魏鄧艾鍾會伐蜀

癸未魏滅蜀徙其君于洛陽蜀改元炎興是年

國亡吳出軍壽春救蜀不克

甲申司馬昭進爵爲晉王增郡二十用天子服  
器改元咸熙以檻車徵鄧艾鍾會以蜀叛  
吳孫休卒濮陽王興中軍張布廢休子而  
立權廢子和之子皓改元元興皓立誅興  
及布

乙酉魏司馬昭卒子炎繼事是年炎代魏命是  
謂武帝改國爲晉元曰泰始降其君璫爲  
陳留王徙于鄴吳徙都武昌改元甘露

丙戌吳改元寶鼎復還建業

丁亥晉立子衷為皇太子

戊子吳伐晉

己丑吳改元建衡南伐交趾

庚寅吳孫秀奔晉

○高句麗中川王然弗薨子藥廬立

辛卯吳平交趾蜀劉禪卒于晉

壬辰晉賈充以女上太子妃遂為司空吳改元

鳳凰

○百濟侵新羅○高句麗大旱○秋七

月新羅霜雹

癸巳晉何曾為司徒吳師寇晉弋陽

○秋七月朔高句麗日有食之

經世之亥二千二百四十四

甲午晉武帝十年吳主皓十一年○新羅味鄒

王十四年○高句麗西川王五年○百

濟古余王四十一年

晉分幽州城平州

乙未晉改元咸寧吳改元天冊

丙申晉東西夷十七國內附吳改元天璽

丁酉晉四夷內附吳改元天紀將邵凱夏翔逃

入于晉

戊戌吳將劉翻祖始逃入于晉

己亥晉命賈充督揚濟東郡王佃王渾王戎胡  
奮杜預唐彬王濬七將兵二十萬伐吳是  
年汲人發魏襄王家得書七十五卷

庚子晉平吳徙孫皓于洛陽改元大康

辛丑

壬寅東西夷二十九國脩貢山濤為司徒衛瓘  
為司空賈充卒

癸卯孫皓卒魏舒為司徒

甲辰

○新羅味鄒王薨立助賁王長子昔儒

禮立母朴氏葛文王奈音之女星先入

口因有娠

乙巳

丙午

○百濟古余王薨子責稽踐位

丁未

戊申

己酉汝南王亮為司馬假黃鉞

庚戌改元太熙武帝崩太子衷踐位是謂惠帝

冊妃賈氏為皇后改元永熙葬武帝于峻

陵王渾爲司徒何邵爲太師裴楷爲少師  
和嶠爲少保王戎爲少傅衛瓘爲太保石  
鑑爲司空

辛亥改元永年皇后賈氏專制夷十二大臣族  
太傅楊駿太保衛瓘汝南王亮皆被戮焉  
廢太后楊氏爲庶人徙之金墉遣諸王就  
國改元元康趙王倫爲征西大將軍

壬子賈后弑皇太后楊氏于金墉城

○高勾麗西川王薨太子相夫踐位

王叔父安國君達買有大功業國人倚

重王多猜忌惡而殺之國人無不涕泣

癸丑

甲寅

乙卯武庫火

丙辰張華為司空秦雍寇亂齊万年稱兵涇陽

楊茂搜稱兵百頃

丁巳王戎為司徒何邵為僕射

○比年燕慕容廆屢侵高句麗國相倉  
助利乃薦吐部大兄高奴子為新城太  
守善政有威聲廆不復來侵伊西故國



攻新羅金城新羅禦之不能克忽有異  
兵皆珥竹葉助羅軍擊賊破之竟不知  
所歸人或見竹葉數萬積於味鄒王陵  
前因號竹葉陵

戊午

○百濟王責稽為貊兵所害子汾西踐  
位○新羅王賜印觀署調二人爵○新  
羅儒禮王薨立助賁王孫基臨

己未賈后廢皇太子適為庶人及其二子送之  
金墉裴頌為僕射

庚申改元永康皇后賈氏徙皇庶人于許昌殺

經世言而錄卷之三  
十一  
之趙王倫梁王彤廢皇后賈氏為庶人送  
金墉殺之誅宰相張華及僕射裴頠侍中  
賈謐又誅祕康呂安石崇潘岳于東市倫  
假黃鉞稱相國專制以彤為太宰冊羊氏  
為皇后賈氏黨趙廞以成都叛

○新羅與倭國交聘王巡比烈忽問高  
年及貧窮者賜穀有差至牛頭州望祭  
太白山樂浪帶方兩國來服○高句麗  
國相倉助利廢其王相夫立乙弗為王  
初國內大旱人相食而王修宮殿倉助

利切諫不聽退與群臣謀廢立訪乙弗  
於民家迎立之而王自殺其二子亦死  
葬王於烽山號烽山王○高勾麗率兵  
三萬侵玄菟擄獲八千人移置平壤

辛酉趙王倫竊命徙帝于金墉改元建始齊王  
罔成都王穎河間王顥兵八誅趙王倫及  
其黨迎帝反政罔大司馬專政以穎為大  
將軍顥為太尉改元永寧流人李特殺趙  
廞于成都張軌以梁州叛

壬戌長沙王乂河間王顥成都王穎新野王歆

范陽王廆兵入誅齊王罔送其族于金墉  
殺之又稱太尉專制改元太安流人李特  
以六郡稱牧廣漢

癸亥河間王顥成都王穎東海王越執長沙王  
又送之金墉殺之顥稱太宰專政于長安  
陸機陸雲兵死石冰以徐場亂李特攻成  
都不克死子雄繼

康節先生皇極經世書東史補編通載卷之三





